



Bilten Saveza općina i gradova Federacije Bosne i Hercegovine



Godina: XX

Datum: 19.05.2023.

Broj: 287

USLUGE SAVEZA:

• PRAVNO SAVJETOVALIŠTE:

Selma Fišek, viši saradnik za pravna pitanja
selma@sogfbih.ba

• FINANSIJSKO SAVJETOVALIŠTE

Halko Basarić, viši saradnik za finansijska
pitanja
halko@sogfbih.ba

KORISNI LINKOVI ZA FONDOVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmed.eu
<https://tacso.eu/>
<https://evinfo.ba/en/>
www.balkanfund.org
<https://eacea.ec.europa.eu>
www.welcomeurope.com

ADRESA:

Musala br.5/1
71000 Sarajevo
Telefon: +387 33 216 502,
209 024, 209 120
fax: +387 33 552 810, 216 502
savez@sogfbih.ba

SAVEZ UPUTIO APEL ZA POMOĆ GRADOVIMA BIHAĆU, BOSANSKOJ KRUPI I OPĆINI SANSKI MOST

Sarajevo, 19. maj/svibanj – Obilne padavine uslovile su porast vodostaja svih rijeka na području Unsko-sanskog kantona, što je prouzrokovalo brojne probleme u nekoliko općina i gradova tog kantona. Na sjednici Vlada USK-a, 17. maja je na prijedlog Štaba Civilne zaštite donijela Odluku o proglašenju stanja prirodne i druge nesreće, što cjelokupnu situaciju, kako materijalno tako i finansijskim, čini mnogo težom.



U Gradu Bihaću su ovo druge poplave u posljednjih šest mjeseci s kojima se Grad Bihać suočava. Trenutno je poplavljeno preko 200 privatnih stambenih i poslovnih objekata, te preko 700 hektara poljoprivrednog zemljišta, koja se uglavnom nalazi u poplavljenim područjima. U poplavama u decembru 2022. godine, procijenjena je šteta iznosila skoro milion konvertibilnih maraka, a po svemu sudeći, trenutne poplave će ostaviti barem isti trag, što stvara vrlo teške uslove funkcionisanja.

Pored Grada Bihaća stanje prirodne nesreće proglasili su i Grad Bosanska Krupa i Općina Sanski Most. Obilne padavine prouzrokovale su rast vodostaja svih rijeka, izlivanje vode iz riječnih korita, prodiranje vode u stambene, poslovne i pomoćne objekte, kao i aktivaciju klizišta.

U Bosanskoj Krupi voda je poplavila veliki dio grada i poplavila prizemlje brojnih kuća i zgrada, a vodostaj je viši nego što je ikad izmjereno. Ceste su zatvorene za saobraćaj, na svim kritičnim područjima se nalaze čamci službi spašavanja koje su u pripravnosti i spremne pružiti pomoć.

Imajući u vidu zakonske mogućnosti koje stoje na raspolaganju jedinicama lokalne samouprave za pružanje pomoći u ovakvim situacijama, prije svega sredstva od posebne naknade za zaštitu od prirodnih i drugih nesreća i sredstva tekuće rezerve, Savez općina i gradova Federacije Bosne i Hercegovine upućuje molbu svim općinama i gradovima, da u skladu sa svojim mogućnostima finansijski pomognu Gradu Bihaću, Gradu Bosanska Krupa i Općini Sanski Most.

U slučaju da se ukaže potreba za pomoć i u ostalim jedinicama lokalne samouprave, blagovremeno ćemo reagovati.

ODRŽANA ZAJEDNIČKA SJEDNICA KOMISIJA SAVEZA OPĆINA I GRADOVA FEDERACIJE BIH

Zajednička sjednica komisija Saveza općina i gradova Federacije Bosne i Hercegovine je održana 18.05.2023. godine u hotelu „Art“ u Sarajevu. Na dnevnom redu su se našle, između ostalih, prezentovanje nacrtu izvještaja Garantiranje lokalne autonomije u Federaciji Bosne i Hercegovine kroz usklađenost sa standardima Evropske povelje o lokalnoj samoupravi, koji su radili konsultant Vijeća Evrope, gospodin Jans Woelk i lokalni konsultant Vijeća Evrope, gospođa Adelina Džanković, te informisanje članova Komisije o pripremi Zahtjeva za zaštitu prava na lokalnu samoupravu u vezi sa Zakonom o izmjenama Zakona o vodama Kantona Sarajevo, kao i upoznavanja članova Komisije sa zaključcima sa 2. i 3. sastanka Mreže za internu reviziju



Sa zajedničke sjednice komisija Saveza

Saveza općina i gradova Federacije BiH.

Na sjednici su sudjelovali članovi Komisije za ustavna i zakonodavna pitanja, Komisije za ekonomski razvoj općina i gradova i finansije i Komisija za razvoj i unapređenje lokalne samouprave.

Gospođa Adelina Džanković je upoznala članove Komisije za nacrtom izvještaja: garantiranje lokalne autonomije u Federaciji BiH kroz usklađenost sa standardima

Evropske povelje o lokalnoj samoupravi. Navela je veliki problem harmonizacije zakonskih propisa sa Evropskom poveljom o lokalnoj samoupravi. Zakon o principima lokalne samouprave u Federaciji Bosne i Hercegovine je donesen 2006. godine kao lex specialis u pogledu organizacije lokalne samouprave. Vlasti moraju njegove principe i odredbe primjenjivati u potpunosti i dosljedno, a ne selektivno. Finalni nacrt izvještaja biće predstavljen na sjednici Predsjedništva Skupštine Saveza općina i gradova Federacije BiH, koja će se održati 30.05.2023. godine u Neumu.

Na sjednici je razmatra i inicijativa za slanjem apela za pomoć općinama i gradovima iz Unsko-sanskog kantona koji su pogođeni nedavnim poplavama, a koje su proglasile stanje prirodne nesreće: gradovi Bihać i Bosanka Krupa, te općina Sanski Most.

Na sjednici je takođe razmatrana i Inicijativa Općine Zavidović vezano za autentično tumačenje Zakona o porezu na promet nekretnina Zeničko-dobojskog kantona. Stav članova komisija je da se u konkretnom slučaju radi o propisu Skupštine Zeničko-dobojskog kantona koji je donesen 2009. godine, da je na isti već dato autentično tumačenje 2011. godine, te da je potrebno da se postupa u skladu sa datim autentičnim tumačenjem.

Na sjednici je razmatrano i pitanje inicijative Općine Centar Sarajevo vezano za Zakon o obrtu u Federaciji BiH, gdje se javlja problem u primjeni člana 37. stav (1) tačka l) i tačka m) navedenog Zakona, a koje se odnose na postupanje Porezne uprave Federacije BiH. Savez općina i gradova Federacije BiH će uputiti urgenciju prema Poreznoj upravi Federacije BiH da krenu u implementaciju Zakona o obrtu u FBiH, te da regulišu prestanak obavljanja obrta ako duže od šest mjeseci ne ostvaruje prihod niti rashod, nakon što Porezna uprava Federacije BiH provjeri i utvrdi razloge neostvarivanja prihoda.



ODRŽAN RADNI SASTANAK "SREDNJOROČNE EVALUACIJE IMPLEMENTACIJE CILJEVA ODRŽIVOG RAZVOJA UN-A"

U Banjoj Luci je, 5. maja održan radni sastanak "Srednjoročne evaluacije implementacije Ciljeva održivog razvoja UN-a".

Organizator sastanka je bilo Ministarstvo vanjskih poslova BiH, uz podršku Vlade Republike Srpske, Bosanskohercegovačkog vijeća za monitoring i evaluaciju provođenja COR (Ciljevi održivog razvoja) agende 2030., te ureda Ujedinjenih nacija i Razvojnog programa UN u BiH.

Na konferenciji se govorilo o prioritetima Bosne i Hercegovine tokom predsjedavanja JJI, implementaciji COR u BiH, te o sinergiji COR sa glavnim vanjskopolitičkim ciljevima BiH.

Pored predsjedavajuće Predsjedništva Bosne i Hercegovine Željke Cvijanović, ministra vanjskih poslova BiH Elmedina Konakovića i drugih, prisutnima se obratio predsjedavajući tima MVP-a zaduženog za predsjedavanje BiH Jadranskojonskom inicijativom i EUSAIR-om, kopredsjedavajući Vijeća za praćenje implementacije UN ciljeva održivog razvoja u BiH ambasador Miloš Prica.

Radnom sastanku su prisustvovali i predstavnici Saveza općina i gradova Federacije Bosne i Hercegovine FBiH Amir Kupusija, viši saradnik za projekte, te Hazim Okanović, saradnik za informisanje, komunikaciju i medije.



Sa održanog sastanka u Banjoj Luci, 05.05.2023. godine

AMERIČKA VLADA POKREĆE PROJEKT VRIJEDAN 12,8 MILIONA DOLARA ZA RAZVOJ 30 BH. OPĆINA

Američka agencija za međunarodni razvoj (USAID), označila početak novog projekta američke vlade "Pomoć lokalnoj upravi u Bosni i Hercegovini". Ovaj petogodišnji projekt, vrijedan 12,8 miliona dolara, podržat će 30 gradova i općina u poboljšanju kvaliteta života i odgovornosti prema građanima.

Ambasador SAD-a u BiH Michael Murphy tokom obraćanja na prigodnoj



svečanosti, istakao je kako ima čast pokrenuti novi projekat američke vlade aktivnost državne pomoći. „U ovaj projekat će se uložiti 12,8 miliona dolara u narednih pet godina za podršku 30 lokalnih samouprava u Bosni i Hercegovini, poboljšati općinske usluge, potaknuti ekonomiju rasta i povećati transparentnost i odgovornost prema građanima“, kazao je ambasador Murphy.

Direktorica Saveza općina i gradova Federacije Bosne i Hercegovine Vesna Travljanin, istakla je kako je u Bosni i Hercegovini upravo lokalni nivo najjači te kako postoji konstruktivna saradnja sa kolegama iz entiteta Republika Srpska. „Početkom mjeseca juna imamo zajedničku sjednicu rukovodstva saveza općina i gradova a pod pokroviteljstvom Vijeća Evrope. Projekat na čijem otvaranju smo danas prisutni predstavlja potvrdu spoznaje da su jedinice lokalne samouprave udruženje u saveze nezaobilazan faktor našem postizanju zajedničkih ciljeva“, istakla je direktorica Travljanin.

Ambasador Murphy i (grado)načelnici odabranih općina/gradova, u kojima živi više od pola miliona bh. građana, potpisali su zajedničku izjavu kako bi službeno obilježili početak saradnje. U prvoj grupi partnerskih općina/gradova nalaze se Gradačac, Lopare, Modriča, Petrovo, Šamac, Teslić, Tuzla, Vareš, Zavidovići, Zenica i Žepče. Prijava za drugi krug, za preostalih 18 jedinica lokalne samouprave, bit će objavljena kasnije tokom godine. Novi projekt će podržati partnere u izgradnji održivih, ekonomski isplativih gradova i općina, kao i u poboljšanju pružanja usluga građanima. Tokom narednih pet godina, projekt će mobilizirati najmanje 1,8 miliona dolara javnih i privatnih investicija za lokalne razvojne projekte, poboljšati zakone i propise radi efikasnijeg i odgovornijeg rada lokalne uprave, podržati do 40 javno-privatnih partnerstava, educirati 2.500 osoba iz područja lokalnog upravljanja, osnovati građanske savjetodavne panele u svim partnerskim općinama te uključiti više od 17.000 građana u različite inicijative i aktivnosti. U odabranim općinama/gradovima ovaj će projekt raditi i na moderniziranju digitalne infrastrukture radi efikasnijeg pružanja javnih usluga građanima, boreći se protiv korupcije istovremeno.

Tokom svog obraćanja gradonačelnik Lugavić je istakao neophodnost osiguranja srazmjernost finansijskih sredstava jedinica lokalne samouprave njihovim nadležnostima koje su im dodijeljene zakonom, te obavezu viših vlasti da osiguraju da svaki prijenos novih funkcija jedinicama lokalne samouprave prati i dodjela sredstava potrebnih za njihovo efikasno izvršavanje. Ova odredba treba da zaštiti jedinice lokalne samouprave od prijenosa nadležnosti, naročito od kantonalnih vlasti, bez osiguranja sredstava za njihovo ostvarivanje, što je u praksi bio čest slučaj.

Projekt će također pomoći općinama da privuku privatna ulaganja u lokalne zajednice, pojednostavljajući procedure i prilagođavajući poticaje kako bi se otvorila nova radna mjesta, te će podržati učinkovitiju komunikaciju sa svim građanima, uključujući i najugroženije grupe društva. Posebnu podršku će imati inkluzivni procesi, kako bi se čuo glas svih građana, posebno marginaliziranih i zanemarenih grupa, privatnog sektora i civilnog društva.

„Prije svega zahvala Američkoj vladi i američkom narodu koji raznoraznim projektima pomažu građane Bosne i Hercegovine odnosno lokalne zajednice gdje građani ostvaruju preko 90% potreba. Ovakvi projekti pomoći lokalnoj zajednici, za koje smo danas potpisali memorandum, doprinose smanjenju procedura kako bi se ukinule sve 'giljotine propisa', kako bi sve nepotrebno ukinuli i olakšali građanima i privrednicima“, kazao je gradonačelnik Zenice Fuad Kasumović.

Novi USAID-ov projekt Pomoć lokalnoj upravi doprinijet će stvaranju svjetlije i prosperitetnije budućnosti za Bosnu i Hercegovinu.



U ovaj projekat će se uložiti 12,8 miliona dolara u narednih pet godina za podršku 30 lokalnih samouprava u Bosni i Hercegovini, poboljšati općinske usluge, potaknuti ekonomiju rasta i povećati transparentnost i odgovornost prema građanima

ODRŽAN 3. SASTANAK MREŽE ZA INTERNU REVIZIJU SOGFBH

U Sarajevu je 10.05.2023. godine održan 3. sastanak Mreže za internu reviziju Saveza općina i gradova FBiH. Ova Mreža je konsultativno i savjetodavno tijelo, čiji su članovi rukovodioci službi za internu reviziju i interni revizori iz 28 gradova i općina iz FBiH, a ima za cilj razmjenu mišljenja i stavova, te kreiranje komentara i prijedloga vezano za temu interne revizije u jedinicama lokalne samouprave.

Ovaj sastanak bio je fokusiran na primjenu nove Metodologije rada internu reviziju u javnom sektoru, koju je donijelo Federalno ministarstvo finansija. Kroz diskusiju, članovi Mreže identificirali su izazove u implementaciji naveden Metodologije, odnosno neophodne korake koje je potrebno poduzeti kako bi se unaprijedila i olakšala primjena Metodologije u općinama i gradovima. Također, diskutirano je i korištenje PIFC programa od strane internih revizora, te su usaglašeni stavovi u pogledu unosa neophodnih informacija.



Sa sastanka Mreže za internu reviziju

ODRŽAN NIZ OBUKA ZA PREDSTAVNIKE ORGANIZACIJA CIVILNOG DRUŠTVA NA TEMU: „UPRAVLJANJE PROJEKTNIM CIKLUSOM“

U okviru projekta „Podrška razvoju uslužno orijentisane lokalne samouprave“ koji se naslanja na “Regionalni program lokalne demokratije na Zapadnom Balkanu 2 – ReLOaD2” Savez općina i gradova Federacije Bosne i Hercegovine provodi niz obuka iz oblasti upravljanja projektnim ciklusom.

Obuke su namijenjene organizacijama civilnog društva u partnerskim jedinicama lokalne samouprave na projektu ReLOaD2 i vežu se za samostalni javni poziv za organizacije civilnog društva za predaju prijedloga projekata koje objave partnerske JLS.

Do sada su održane četiri obuke i to:

- **Novo Sarajevo**, 29-30.03.2023. Samostalni javni poziv za predaju prijedloga projekata OCD objavljen 20.03.2023., a zatvoren 17.04.2023. godine. Mentorski sastanak sa predstavnicima OCD održan je 11.04.2023. godine.
- **Goražde**, 13-14.04.2023. Samostalni javni poziv za predaju prijedloga projekata OCD objavljen je 07.04.2023., a zatvoren 05.05.2023. godine.
- **Centar Sarajevo**, 25. i 27.04.2023. Samostalni javni poziv za predaju prijedloga projekata OCD objavljen je 20.04.2023., a otvoren je do 18.05.2023. godine. Mentorski sastanak će biti održan 12.05.2023. godine.
- **Bihać**, 4-5.05.2023. Samostalni javni poziv za predaju prijedloga projekata OCD objavljen je 17.04.2023., a otvoren je do 15.05.2023. godine.

U narednim danima biće dogovorene obuke za Mostar i Prozor Ramu.

Cilj obuke je da olakša učesnicima proces pripreme i izrade projektne aplikacije, kao i bolje razumijevanje aplikacione dokumentacije u okviru Javnog poziva.

Organizator je Savez općina i gradova Federacije Bosne i Hercegovine u saradnji partnerskim JLS. Regionalni program lokalne demokratije na Zapadnom Balkanu 2 finansira Evropska unija a provodi Razvojni program Ujedinjenih nacija.



Sa radionice u Općini Novo Sarajevo



Sa radionice u Općini Centar Sarajevo



Sa radionice u Gradu Goraždu

JAVNI POZIV ZA KANADSKI FOND ZA LOKALNE INICIJATIVE (CFLI)

Ambasada Kanade za Mađarsku, Sloveniju i Bosnu i Hercegovinu objavila je godišnji javni poziv za Kanadski fond za lokalne inicijative (CFLI). CFLI program podržava projekte manjeg obima, ali snažnog učinka, osmišljene i kreirane prvenstveno od strane lokalnih partnera, koji su u skladu sa sljedećim tematskim prioritetima Globalnih poslova Kanade:

- Inkluzivno upravljanje, uključujući različitosti i LGBTQI+ demokratiju, ljudska prava i vladavinu prava.
- Mir i sigurnost, sa fokusom na sprečavanje sukoba i izgradnju mira.
- Rodna ravnopravnost i osnaživanje žena i djevojaka.

Krajnji rok za dostavljanje prijava je utorak, 6. juni 2023.g, 23:59 sati.

Javni poziv, kao i opis i informacije o načinu prijavljivanja, dostupni su na sljedećem linku: <https://www.international.gc.ca/world-monde/funding-finance/cfli-fcil/2023/bosnia-bosnie.aspx?lang=eng>

OBJAVLJEN PRVI POZIV ZA DOSTAVU PROJEKTNIH PRIJEDLOGA U OKVIRU INTERREG VI-A IPA PROGRAMA HRVATSKA – BIH – CRNA GORA 21- 27

Interreg



Co-funded by
the European Union

IPA Croatia – Bosnia and
Herzegovina – Montenegro

3. maja 2023. godine je objavljen prvi poziv za dostavu projektnih prijedloga u okviru Interreg VI-A IPA Programa Hrvatska – Bosna i Hercegovina – Crna Gora 2021-2027.

Poziv će biti otvoren do 28. jula 2023. godine do 15:00 sati, a svi potencijalni podnosioci prijave mogu podnijeti svoje prijave putem Zajedničkog elektronskog sistema za praćenje (Jems).

Nadalje, Upravno tijelo i Zajednički sekretarijat će u saradnji sa nacionalnim organima organizovati sedam Informativnih sesija u cilju pružanja detaljnih informacija i praktičnih savjeta za pripremu i podnošenje prijava u okviru 1. poziva.

Više informacija o Pozivu i rasporedu informativnih sesija možete pronaći na sljedećem linku: <https://interreg-hr-ba-me.eu/1st-call-for-proposals-is-launched/>

Gledajte Savez općina i gradova
Federacije Bosne i Hercegovine na



Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu prosljedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.